

## **Pèrmit pa trabounan di kobamentu**

Servisio pa Obra Públiko ta e organisashon di Gobièrnu di Kòrsou ku ta duna pèrmit pa por hasi trabounan di kobamentu.

E pèrmit aki ta nesenario pa evitá ku e kompania òf persona ku ta bai koba ta kibra pipanan òf kabelnan ku ta kore bou di tera. Servisio pa Obra Públiko ta kontrola si ta posibel pa koba na e sitio menshona.

### **Petishon pa pèrmit**

Promé ku un kompania òf persona kuminsá ku trabounan di kobamentu, e tin ku entrega un petishon pa e risibí un pèrmit di kobamentu.

Pa hasi petishon pa pèrmit, mester entrega un formulario. Riba e formulario aki, ta indiká:

- Informashon di kompania ku ta bai hasi e trabou di kobamentu
- Lugá kaminda ta bai koba
- Profundidat di e kobamentu
- Grandura di e área ku ta bai koba ta
- Durashon di e trabounan di kobamentu
- Mashinnan ku ta bai usa
- Motibu ku ta bai koba na e sitio indiká
- Si tin pèrmit di doño pa koba

Mester entrega e formulario aki firma na Servisio pa Obra Públiko por lo ménos 20 dia promé ku e fecha ke kuminsá ku e trabounan. E formulario di petishon pa pèrmit ta optenibel [aki](#). tambe tin un manual amplio tokante esaki. Por download esaki [aki](#).

Despues di a risibí e petishon, Servisio pa Obra Públiko ta bai analisá e situashon. Den di 2 siman, e kompania òf persona ku a entrega su petishon ta risibí un kontesta. E kontesta aki por ta enserá:

- No ta duna pèrmit
- Ta duna pèrmit bou di sierto kondishonnan
- Ta duna pèrmit sin restriksion

Despues di risibi e permit aki, e persona of kompania mester informa Polis di e trabounan aki.

### **Opheshon riba kontesta**

Tur e kontestanan ta bini ku e splikashon korespondiente. Si e kompania òf persona konserní no ta di akuerdo ku e kontesta ku el a risibí, e por entrega un karta di opheshon serka Direktor di Servisio pa Obra Públiko.

### **Kondishonnan di e pèrmit**

Na momentu di entrega e pèrmit e kompania òf persona ta risibí un mapa topografiko di e área riba kual e por mira unda tin kabel òf pipa ta kore. E kompania òf persona aki mester sòru di koba segun e kondishonnan indiká den su pèrmit. Si e hasi daño na e infrastruktura bou di tera, manera kibra e pipa òf kabelnan, e mester kubri e gastunan pa drecha esakinan bek.

### **Mas informashon**

Pa mas informashon tokante pèrmit pa kobamentu, por tuma kontakto ku Servisio pa Obra Públiko na number di telefon 433-4237.

